

U skladu sa članom 89. i 93. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14 i Izmjena i dopuna Poslovnika – Odluka Općinskog vijeća, broj 02-49-508/16 od 16.11.2016.godine), na Tematskoj sjednici Općinskog vijeća Stari Grad Sarajevo, održanoj dana 08.06.2017.godine, nakon razmatranja tačke dnevnog reda:

– Prijedlog Zaključka u vezi sa predloženim Amandmanima L do LV na Ustav Kantona Sarajevo

čiji je predlagatelj Općinski Načelnik, a stručnu obradu izvršila Stručna služba Općinskog vijeća i Služba kabineta Načelnika Općine, usvojen je sljedeći

P r i j e d l o g

Z A K L J U Č A K

1.Općinsko vijeće Stari Grad Sarajevo razmotrilo je prijedlog Amandmana L do LV na Ustav Kantona Sarajevo u okviru javne rasprave koju provodi Skupština Kantona Sarajevo shodno Zaključku Skupštine Kantona Sarajevo, broj: 01-02-18341/17 od 10.05.2017.godine, zajedno sa stručno obrađenim Mišljenjem Općinskog Načelnika Općine Stari Grad Sarajevo.

2.Općinsko vijeće Stari Grad Sarajevo izražava svoje nezadovoljstvo predloženim Amandmanima i saglasno je sa primjedbama i sugestijama navedenim u Mišljenju iz stava 1. ovog Zaključka.

3.Zadužuje se Stručna služba Općinskog vijeća da ovaj Zaključak čiji sastavni dio čini Mišljenje na Amandmane L do LV na Ustav Kantona Sarajevo proslijedi Skupštini Kantona Sarajevo i Ministarstvu pravde i uprave Kantona Sarajevo.

4.Općinsko vijeće Stari Grad Sarajevo, a cijeneći obimnost primjedbi i sugestija, kao i neprihvatljivost najvećeg broja predloženih Amandmana,upućuje zahtjev Skupštini Kantona Sarajevo da produži rok javne rasprave kako bi se sagledale sve iznesene primjedbe i sugestije, te u dodatnom produženom roku sačinio kvalitetan prijedlog Amandmana, uvažavajući stavove učesnika javne rasprave.

5.Općinsko vijeće Stari Grad Sarajevo insistira da ustavna rješenja trebaju predstavljati samo okvir ka budućim djelovanjima u pravcu donošenja adekvatne zakonske regulative kojom bi se omogućilo vraćanje poslova jedinicama lokalne samouprave i to prije svega donošenjem Zakona o lokalnoj samoupravi čijim se odredbama jedino i isključivo mogu podijeliti nadležnosti između Kantona i jedinica lokalne samouprave, te jedinica lokalne samouprave, kao i drugih odgovarajućih propisa, a naročito propisa iz oblasti finansija i pitanja imovine jedinica lokalne samouprave, na što se ukazuje presudama Ustavnog suda Federacije BiH, koji predstavljaju materijalni i drugi osnov za vršenje propisanih nadležnosti.

6.Propisi navedeni u tački 5. ovog Zaključa, a naročito Zakon o lokalnoj samoupravi, trebaju biti koncipirani i urađeni na način da poslove lokalne samouprave, u najvećoj mjeri, vrše općine a što je u duhu odredbi Evropske povelje o lokalnoj samoupravi shodno kojoj lokalna samouprava treba biti efikasna i bliska građanima.

PREDSJEDAVAJUĆI
OPĆINSKOG VIJEĆA STARI GRAD
SARAJEVO
mr.sc. Jusuf Pušina

Broj:02-49-
Sarajevo:08.06.2017.godine